



UPA15/48
16. april
Naaja H. Nathanielsen

Kalaallit Nunaanni kisitsisit atukkagut danskinit pissarsiarisagut taarserlugit asiamiut kisitseriaasiannik taarserneqarsinnaanerat pillugu apeqquteqaat aallaavigalugu oqallinnissamik siunnersuut.
(Inatsisartunut ilaasortaq Michael Rosing, Demokraatit)

Siunnersuuteqartoq kisitsisinik taaseriaatsitsinnik allannguerusuppoq. Qallunaatut kalaallisullu. Siunnersuuteqartullu tunngavilersuutaani maanna atukkatta pisariunera pineqarneruvoq. Akerlianilli kisitsisit atukkatta suna pillugu allanngortikkusunnerannut tunngavilersuuteqarpiangilaq – meeqqat matematikkimi ilikkajannerusinnaanerisa saniatigut.

Inuit Ataqtigiiinniit tunngavilersuutit amigarivagut. Siunnersuut tunngavilersuutitakippoo, matematikkimilu ilikkajannerunissaq piinnarlugu taamak annertutigisumik allannguinissaq tapersersorsinnaangilarput. Tamatumalu saniatigut siunnersuummut matumunnga attuumassuteqartunit tapersersuisoqarneranik takusaqarsinnaangilagut, soorlu Ilinniarfissuarmit, IMAK-imit allaniilluunniit.

Aammattaaq Inuit Ataqtigiiinniit isumaqarpugut kalaallisut kisitseriaasitoqarput pinngorteqqeqqaarlugulu siaruaqqaartariaqaripput, ullumikkummi 12-ip tungaannaanut amerlanerit kalaallisut kisitsisarput. Kisitsisinut annerusunut ullumikkut eqqaamannittut nunatsinni amerlajunnaarput. Massa oqaatsivut atorlugit kisitsinermi paasiuminarnerujussuarmik kisitsisoqartartoq. Inuk naallugu (20), tassa timitsinni inussat tamakkerlugit, soorlu aamma 12-miit 20-mut taaguuteqartitsisugut.

Kangianiit ungasissorsuarmit kisitseriaatsit takornartat piinnarnagit uagut kisitseriaaserput atulerseqqitsigu.

Matematikkimi atuartsinerup pitsanngorsaavigineqarsinnaanera isumaqatigaarput, taamaattorli kisitseriaaseq pinnagu atuartsinermi meeqqallu matematikkimi piginnaasaannik pitsanngorsaannissami sakkussanik allanik ujartuisa.

Taamaattumik Inuit Ataqtigiiinniit kisitsisit atukkatta allanngortinneqarnissaannut pissutissaqarsorinngilarput, taamaattorli kisitseriaasitoqqatta siaruartinneqarnissaa orniginartissinnaallutigu.